


Chamada de Expresións de interese de VINCULACIÓN DE PERSOAL
INVESTIGADOR. AO CISPAC (Centro de Investigación Interuniversitario das
Paisaxes Atlánticas Culturais)

O CISPAC creouse en decembro de 2021 como centro de investigación singular de acordo co Regulamento para a creación e funcionamento de Centros Singulares de Investigación da USC (Consello de Goberno, 30 de outubro de 2020), e como centro de investigación de acordo coa Normativa de creación de centros de investigación da Universidade da Coruña (Consello de Goberno, o 26 de novembro de 2020), e a Normativa de grupos, agrupacións e centros de investigación da Universidade de Vigo (Consello de Goberno, 26 de xuño de 2019), e confórmase como o primeiro centro de investigación interuniversitario en ciencias sociais e humanas das universidades galegas. O obxectivo do centro é desenvolver unha investigación transdisciplinar e de vangarda no ámbito das paisaxes atlánticas culturais e os cinco campos de traballo definidos, para o que resulta esencial a implicación de persoal investigador con capacidade para deseñar e liderar liñas de investigación na fronteira do coñecemento e coa ambición do máximo impacto social e económico local e global. O CISPAC aspira a converterse nun centro de referencia internacional, definido pola calidade e impacto da súa investigación, vinculada coas demandas da sociedade e as necesidades da sustentabilidade. Máis información en www.usc.es/cispac.



O goberno e estrutura do CISPAC sostense en tres requirimentos básicos:

- (1) selección competitiva do persoal investigador e avaliación continua da súa actividade por parte dunha Consello Asesor Científico Externo (CACE) con criterios de excelencia, esixencia e coherencia;
- (2) planificación estratéxica e mecanismos de financiación vinculados ao cumprimento dos obxectivos da programación científica;
- (3) dirección científica executiva, responsable na definición da política de investigación, a coordinación das capacidades do persoal investigador e garantía do progreso dos obxectivos estratéxicos e os programas.

Con esta chamada aberta quere vincularse a un número suficiente de investigadores e investigadoras capaces de deseñar e liderar liñas de investigación e transferencia relacionadas coas Paisaxes Atlánticas Culturais para cumprir coas aspiracións estratéxicas de facer do CISPAC un centro de referencia acreditado ao máximo nivel.

Sobre estas premisas, facemos esta chamada para a presentación de solicitudes de vinculación ao CISPAC, de acordo co Artigo 14 do Regulamento de Réxime Interno do centro.

CANDIDATOS/AS ELIXIBLES

Esta convocatoria de expresións de interese para a vinculación ao CISPAC está dirixida a persoal PDI das universidades de A Coruña, Vigo e de Santiago de Compostela (*), con vinculación permanente coa institución á que pertencen ou con contrato de Profesor/a Axudante Doutor/a. Poderá ser considerado investigador/a vinculado/a o persoal investigador posdoutoral contratado especificamente con cargo a programas de RR.HH. competitivos (Beatriz Galindo, Ramón y Cajal...) ou investigadores/as distinguidos/as contratados/as no marco das convocatorias propias da USC.

Preténdese a incorporación de persoal investigador con experiencia científica probada, capaz de impulsar e mellorar as capacidades do centro e dar coherencia aos seus programas. Compre destacar na solicitude a experiencia das persoas candidatas en proxectos de investigación colaborativa ou redes relacionadas cos principais campos da axenda científica do CISPAC, no ámbito das ciencias sociais e humanas. Valorarase, excepcionalmente, traxectorias nas outras grandes áreas académicas cando se fundamenten nunha experiencia previa e madura de colaboración en redes e proxectos dos campos de especialización do CISPAC.



Considerarase, para a valoración da traxectoria investigadora dos últimos 10 anos, a acreditación de sexenios de investigación e transferencia, a relevancia da produción científica, a dirección e participación en proxectos competitivos e contratos e actividades de transferencia, a dirección de teses, así como outros méritos académicos (congresos, participación en comités científicos e editoriais, ...).

A vinculación do persoal investigador ao CISPAC será por un período de catro anos (cunha avaliación intermedia bianual) prorrogables por períodos da mesma duración, previa avaliación favorable polo Consello Asesor Científico Externo da actividade desenvolvida nese período. O persoal vinculado manterá a súa vinculación docente na universidade de orixe e a súa actividade investigadora quedará vinculada ao CISPAC.

(*) No caso de persoal alleo ás entidades que conforman o centro, deberá subscribirse o correspondente convenio institucional.

PROCESO DE AVALIACIÓN E SELECCIÓN

O proceso de avaliación será realizado polo Consello Asesor Científico Externo do CISPAC.

O nomeamento formal como persoal investigador vinculado das persoas candidatas que cumpran cos criterios de excelencia sinalados será aprobado pola Consello Reitor do CISPAC, a través da sinatura dun compromiso formal cos obxectivos estratéxicos e a política organizativa do centro, sen que en ningún caso entre en conflito coa normativa propia da universidade á que pertenza cada membro vinculado.

PRESENTACIÓN DE SOLICITUDES DE VINCULACIÓN. FORMULARIO E CV

A data límite para a presentación de solicitudes é o 1 de marzo de 2024 ás 14 horas (CET). A solicitude debe enviarse a cispac.direccion@usc.es en formato pdf, utilizando o formulario adxunto (Anex 1);

Acompañado do CVA dos últimos 10 anos seguindo modelo adxunto (Anex 2) ou o CV EUROPASS <https://www.eea.europa.eu/about-us/jobs/template-europass-cv/view>

PROGRAMACIÓN

DATA límite	Accións
30/01/2024	Publicación da convocatoria de vinculación polas tres universidades
01/03/2024	Data límite de presentación das solicitudes
05/03/2024	Achega ao CACE das solicitudes organizadas
05/05/2024	Data límite de entrega de avaliacións
20/05/2024	Presentación ao Consello Reitor das propostas de vinculación

CONTACTO

Para calquera aclaración ou consulta sobre esta convocatoria, dirixirse a:
cispac.direccion@usc.es ou contacte a través dos teléfonos 881812578 / 881812734.